



Komunikado di prensa 2020-039

CBCS i DNB ta firma karta di intenshon riba kooperashon ampliá

Willemstad/Amsterdam – Awe, Drs. Richard Doornbosch, presidente di Centrale Bank van Curaçao en Sint Maarten (CBCS) i su kolega di De Nederlandsche Bank (DNB), Prof. Dr. Klaas Knot, a firma un karta di intenshon na Amsterdam pa ampliashon di kooperashon entre e dos bankonan sentral. E karta di intenshon ta basá riba e *‘Memorandum of Understanding (MoU) between the Central Banks of the Kingdom of The Netherlands and the Autoriteit Financiële Markten’*. Meta di e MoU akí ta di fortalésé kooperashon entre e dos entidatnan, entre otro den forma di interkambio di informashon i asuntunan operashonal i asistensia tékniko.

Ku firmamentu di e karta di intenshon akí, CBCS i DNB a kumbiní ku nan lo konsultá ku otro a lo ménos dos biaha pa aña riba tereno di kooperashon tékniko. E intenshon ta pa e presidentenan mes hiba e deliberashon a lo ménos un biaha pa aña. Tur dos banko sentral ke logra fortalésé nan kolaborashon na nivel operashonal i tékniko i lo hasi palabrashon spesífiko ku otro al respekto.

Ademas, CBCS i DNB ke ofresé e posibilidat pa miembro di personal por pasa (parti di) nan programa di desaroyo trahando serka e otro partido i pa koleganan di CBCS por partisipá na e kursonan ku DNB Academie ta ofresé.

E intenshon di kooperashon firmá awe lo keda re-evaluá kada dos aña. E promé evaluashon lo tuma lugá un aña despues ku a firm’è, esta, na desèmber di 2021.

Willemstad, 17 di desèmber 2020

CENTRALE BANK VAN CURAÇAO EN SINT MAARTEN